



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 113. Carnutum a Principe Condæo Belsiam delato obsessum.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI. gra imperii auctoritas penes Belliduces
 A.C.1567. remaneret.

§. CXIII.

*Carnutum a Principe Condæo Bel-
 siam delato obsessum.*

*Mem. de Ca-
 stell. l. 6. c.
 91.
 Thu. l. 42.*

Capta hac urbe foederati Calvinistæ
 procedunt Richardi-montem, quod
 est oppidum ad Carim juxta Cenonce-
 las situm: cui dum vim facere cogi-
 tant, a Condæo Principe, qui in Bel-
 siam Carnutum obsessurus descenderat,
 revocati protinus discedunt, ut cum eo
 se conjungerent.

Prodito hoc consilio mox Joannes
 Lignerius Eques, ac magni nominis
 Dux cum quinque peditum signis, &
 duabus Equitum alis, quas Carnius, &
 Rancius ducebant, Carnutum a Rege
 mittebatur, qui etiam a civibus in ur-
 bem receptus est quinto circiter die,
 priusquam hostiles copiæ adventassent.
 Paulopost Ardelesius pariter cum suis
 copiis urbem ingrediebatur, die autem
 vigesima tertia Februarii, necnon alte-
 ra die Condæus Princeps itinere nun-
 quam interrupto, confectisque viginti
 leucis regios milites inopina vi obru-
 turus Carnutum venit, illudque cinxit
 primo equidem suburbia, necnon do-
 mos fossis vicinas occupabat; eas enim
 cives hostium adventu, metuque præ-
 pediti

pediti haud amplius diruere, aut comburere poterant, nihilominus Franciscanorum, & Sancti Joannis cœnobia, quæ extra urbem erant, tempestive incendebant: hostes tamen quoddam munimentum capiunt, illudque milite firmant, quod obsessis permoleste accidit: sed damnum hoc mox sive astu, sive virtute Foliati strenui Ordinum ductoris compensatum est: is quippe cum sexaginta circiter delectis, qui vexilla Protestantium insignibus similia gestabant, per Drocensem portam egressus ad exteriorem fossæ oram erupit, & ad munitionem non animadverso a defensoribus dolo pervenit, ubi improviso impetu ignaros adortus locum recepit, iisque repulsis ibidem substitit.

§. CXIV.

Lignerii sedulitas in tuenda urbe.

Nec interim Lignerius otiosus steterat, sed civium Primores convocans, eos hortatus est, ut Regi suo fideles inter se concordiam servarent, insuper arma capeffere, ac laboribus magis arduis vacare eis persuadet, imbecilles vero eo inducit, ut ceteris opem suis facultatibus subministrarent. Postmodum loca minus munita largis, validisque fossis firmari, ac propugnaculum ante Drocensem portam erigi jubet,

O 2

bet,

Sæcul. XVI.

A. C. 1567.